

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 12-6743/20 od 16.12.2020. godine), *zaključuje se*

UGOVOR O JAVNOJ NABAVCI

Između:

1. Elektrotehničkog fakulteta u Sarajevu, sa sjedištem na adresi Zmaja od Bosne bb Sarajevo, ID broj: 4200304450006, koga zastupa dekan prof.dr. Jasmin (Izet) Velagić, (u daljem tekstu: *Naručilac*)

i

2. VALTER-ELEKTRO d.o.o., sa sjedištem na Ilidži na adresi Put Famosa br. 38, ID broj: 4201803150001, koga zastupa direktor Nada Burazorović, dipl.ing.el., (u daljem tekstu: *Izvršilac*)

Član 1.

Predmet ovog Ugovora je nabavka namještaja odnsono sigurnosno zaštitnog ormara za energetske pretvarače za potrebe *Naručioca*, a na osnovu provedenog direktnog sporazuma.

Član 2.

Izvršilac se obavezuje da će robu isporučiti na adresu *Naručioca*, u skladu sa Ponudom od 15.12.2020. godine, zavedenom pod brojem protokola br. 12-6671/20 od 15.12.2020. godine, u roku od 30 dana od dana obostranog potpisivanja ugovora. Ako se prilikom prijema utvrdi da roba koju je Izvršilac isporučio ima nedostataka u kvalitetu ili druge očigledne greške, ugovorene strane su saglasne da ih Izvršilac otkloni u roku od 3 (tri) dana, od kada je sačinjen zapisnik o reklamaciji, a ako to ne učini u ugovorenom roku, Izvršilac je dužan reklamiranu robu zamjeniti novom robom koja ima jednake karakteristike.

Ukoliko se nakon što *Naručilac* primi robu, pokaže da roba ima neki nedostatak koji se nije mogao otkriti uobičajnim pregledom prilikom preuzimanja iste, odnosno ima skrivene nedostatke, *Naručilac* je dužan o tom nedostatku bez odlaganja obavijestiti *Izvršioca*, koji je dužan u roku od 3 (tri) dana otkloniti nedostatak.

Član 3.

Garantni rok je 1 (jedna) godina, računajući od dana isporuke. Izvršilac će u toku garantnog perioda održavati robu u dobrom stanju, te će vršiti popravlanje ili mijenjanje neispravih dijelova robe, a sve o svom trošku.

Član 4.

U slučaju da Izvršilac izbjegava potpisivanje ugovora ili da po zaključivanju ugovora ne ispuni preuzetu obavezu iz ovog ugovora u navedenom roku, sačinjeni ugovor postaje ništavan uz pisano obavještenje.

Član 5.

Ukupna vrijednost ponude iznosi 2.800,00 KM bez PDV-a (slovima: dvijehiljadeosamstotina i 00/100 KM) bez PDV-a.

Plaćanje se vrši u roku od 30 (trideset) dana od dana dostave fakture.

Ugovoreni iznos naknade će se platiti na žiro račun *Izvršioca*, kod odgovarajuće banke u Bosni i Hercegovini.

Pripadajući porez će se obračunati i platiti u skladu sa zakonom.

Član 6.

Ugovor se zaključuje na period od 1 (jedne) godine od dana obostranog potpisivanja.

Član 7.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 15 (petnaest) dana unaprijed.

Član 8.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

Član 9.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

Član 10.

Ovaj Ugovor stupa na snagu danom potpisivanja od strane ovlaštenih lica ugovornih strana.

Član 11.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

ZA IZVRŠIOCA

Direktor, Nada Burazorović, dipl.ing.el.

023-12-I/20

25.12.2020



ZA NARUČIOCA

Dekan, prof.dr. Jasmin Velagić

Broj: 02-6799/20

Datum: 18.12.2020

